


銅仁府志
二

地 360.59

136

部 202



銅仁府志卷之三

營建

貴州自前明洪武初始築貴州城為都指揮永樂十一年置銅仁府縣我

朝大一統之規模綜萬幾而釐治興文教崇祀典聲教覃敷不遺於遠凡有興作不惜帑費銅仁僻在荒陬次第整興吏治民風駸駸日上矣郡志營建曰城池曰公所曰壇廟曰寺觀祠宇曰臺榭

銅仁府志

卷之三

營建



銅仁府志卷之三

營建

城池

銅仁府城

景泰二年知府朱鑑建惟土城後漸次擴之
嘉靖九年三省苗叛二十二年知府李資坤

相東北隙地廓大之周圍增至三百六十九
丈高一丈六尺層台磚石屹然堅固民恃無

恐至二十八年苗復叛叅議楊譔檄思州知
府李允簡即舊址重修完固為門七東曰景

和上南曰來禧後名江宗中南曰文昌下南
曰迎薰西曰阜成水西曰賓陽北曰拱辰後

又增二水門共九門今止八門各有樓串阻
江瞰河北于金湯年久頽圯城樓盡燬國

朝順治七年知府梁懋宸重建江宗門及中
南下南等門並城樓皆蠲俸不費民間絲粒

銅仁府志

卷之三

城池

二

康熙九年重建乾隆三十七年新修江宗門
城樓道光三年知府陳兆熙重修

銅仁縣城

附郭

松桃廳城

原係三不管地舊無城國朝雍正十二年
始建石門周圍五百六十丈高一丈廣一丈

門四今改直隸廳

平頭司城

嘉靖間建萬曆十年守備
王一麟補葺今改隸松桃

正大營城

舊係土堡乾隆二十三年改建石堡周圍三
百三十五丈門四東曰升恒北曰迎恩西曰

寶成南曰遵化

銅仁府志卷之三

營建

公所

皇殿

在縣學宮右向來恭逢萬壽聖節及元旦冬
至官員朝賀行禮俱在十字街借江右會館萬壽

宮未足以昭敬謹茲於
乾隆四十七年恭建

知府署

明洪武為宣慰司治地永樂十一年建正統十
四年燬於苗患成化三年知府陽顯嘉重修嘉

靖八年知府葛鵠增修萬歷十二年知府方範
十七年知府鄭應齡二十四年知府張錫相繼

重修明末兵變盡圮國朝康熙四年知府梁
懋宸重建乾隆四十三年知府莊有儀又詳請

修改

銅仁府志

卷之三

公所

三

經歷司署

在府署右明建國朝康熙年
重建乾隆三十七年新修

教授署

在府學
宮內

省提長官司吏目署

在省
提司

平烏長官司吏目署

在平烏司
改隸松桃

知縣署

在府署左明萬歷二十三年建久圮
國朝康熙九年知縣趙景福重建

典史署

在縣
署左

教諭署

在縣學
宮內

訓導署

在縣學
宮內

縣丞署

在正大營舊為巡檢司署乾隆六十
年苗叛事既平改為銅仁分縣署

銅仁協副將署

副將舊駐松桃雍正九年移駐郡城後
缺裁署為廢地改建銅江書院乾隆六
十年苗亂事既平添設
武職改書院仍為協署

銅仁協中軍都司署

康熙年建雍正十二年移駐松桃
原署為右軍守備署乾隆六十年
苗亂事既平改為中軍都司署

守備署

在滑石營新建

銅江書院

在殷家凸本前明書院提學毛科建後改為
道署國朝乾隆三十六年以銅仁舊協署

新之為書院至六十年平苗後書院仍作協署
另置新城書院旋又改為公館嘉慶七年始營
建於下南門古銅佛寺前即今赤帝廟前道光
三年移建府署後殷家凸

府義學

在府治左

銅仁府志

卷之三

公所

四

縣義學

在城內建今改為國朝康熙四十年
教諭官署

大公館

在新城嘉慶六年置

銅仁府志卷之三

營建

壇廟

社稷壇 在城北一
在城南

風雲雷雨山川壇 在府城
在西

先農壇 在府城東五里
國朝雍正五年建

厲壇 在府城北
縣附府

文廟 府學在府治東明永樂十三年知府周驥建宣德
七年燬正統八年知府蕭和鼎洪鈞相繼修建十

四年燬天順二年知府張隆重建萬曆四十二年
知府陳以耀增修明末盡圯 國朝康熙二年重

銅仁府志

卷之三

壇廟

五

建嘉慶十二年改修大成殿大成門向不丁不
午間旋議以櫺星門係知府劉雁題于嘉慶二年
遵照舊日大成殿向指修建應改照櫺星門向

又于道光三年改移及工成乃午兼丙向仍未照
舊日大成殿向指也俟知者察焉

御書萬世師表

生民未有

與天地參

聖集大成

聖協時中

崇聖祠 雍正元年追封王
爵改啟聖為崇聖

大成殿 嘉慶十二年大修
道光三年改移

東西兩廡

戟門

櫺星門 嘉慶七年知府劉雁題謹照正殿老向修建係
在嘉慶十二年 大成殿未經大修之前

泮池 池內石脊凸出如
龜脊為子午向

明倫堂 泮池明倫堂俱係 國朝康熙二年
修建教授羅之琬增修學廡

申明亭

名宦祠

鄉賢祠

銅仁府志

卷之三

壇廟

六

節孝祠

忠義孝弟祠

儒學門

禮門義路 以上俱
本朝重建

祭器 郡人王蘭捐貲置造銅爵一百
一十七隻呈詳發學因亂廢失

學田

羅田冲濫泥冲田四十二畝二分計種三石五斗
萬歷十六年知府林大黼置上地野蕭家寨田一
段計種三斗五升又一段計種四斗五升又一段
計種三斗六升地二畝萬歷十九年知府鄭應齡
推官張祐清置又查出凱漕溪長坪木寨鄉巴榔
田共三分舊有柴山田一分今久荒廢

縣學文廟

舊在城外東北舊學 國朝康熙三十八年
巡撫王燕題設知縣王原修建今移城內

道均上一切
與府學同

府城隍廟
在中南門
康熙四年建
國朝

縣城隍廟
在郭家鋪

文昌宮
在東山上
推官韓宗愈建
祀
文昌
帝君嘉慶六年奉
旨入春秋祀典

關帝廟
府屬有五
國朝康熙六年副將賀國賢新建
一在盤石營
一在北郊演武場
一在府城東

在龍頭營
一在道署東

銅仁縣
關帝廟
乾隆五十年改寬
基址概行新修

火神廟
在舊書院後

東嶽廟
在府城東門外
國朝康熙十五年
新建

銅仁府志

卷之三

壇廟

七

飛山廟
一在東山下
一在北郊演武場
已廢副將賀國賢重建

銅仁府志卷之三

營建

寺觀祠宇

東山寺

在府治東明正德間參議蔡潮建後圯國朝康熙四十四年重建

觀音寺

在府治西長官李椿建已廢重建

白雲寺

在烏羅司北

迴龍寺

在府城西北已廢重建

廣化寺

在平頭司東

崇真觀

在東山上改名崇仙宮今重修

銅仁府志

卷之三

寺觀祠宇

八

真武觀

在東山上即崇真觀觀有五一在府南謝家橋一在振武營一在提溪司皆國朝副將賀國

賢重修一在府西文筆洞側今燬惟在東山者遊人接踵而至最為名勝焉

武侯祠

在東山

奎星閣

在東山即大觀閣舊址至道光二年知府陳兆熙建

準提閣

在文筆洞半山

水星閣

在火星岩下一名既濟祠

觀音閣

在府城東五里副將賀國賢重建

萬壽閣

在十字街

天后宮

在中南門

土主廟 在府北關 已廢重修

五顯廟 一在大府衙門 左一在城南岸

公安廟 在寶宮

川主廟 在城南岸

土地祠 在東門外

兼隱菴 在東山知府 梁懋宸建

尹公祠 在銅江書院內

石公祠 在城內祀明總 兵石公邦憲

三烈祠 在城內祀劉氏三 烈女兵燬重建

銅仁府志 卷之三

寺觀祠宇

九

昭忠祠 在東嶽廟右道光三 年都司伍正榮建

楊氏宗祠 在水門後

李氏宗祠 在白家巷

王公祠 在新城祀知 府王公日杏

沈公祠 在縣塘坎祀別 駕沈公文鏐

銅仁府志卷之三

營建

臺榭

雙峯閣

在東山上面長江背峭壁為郡奇觀
知府梁懋宸建知府莊有儀重修

跨黿亭

在府城西南銅岩上叅議蔡潮建為兵火燬
國朝邑宰趙景福重修嘉慶十五年知府徐正

青重修

豐樂亭

在水星閣知府王日杏建

銅仁府志

卷之三

臺榭

十